
ВИЛОЯТ ҲОКИМЛИГИДА ДАВЛАТ ТАШКИЛОТЛАРИДА КОРРУПЦИЯНИНГ ОҚИБАТЛАРИ ВА УНГА ҚАРШИ КУРАШИШ ЧОРА-ТАДБИРЛАРИ ЮЗАСИДАН СЕМИНАР ЎТКАЗИЛДИ

Бугун вилоят ҳокимлиги катта мажлислар залида давлат ташкилотларида коррупциянинг оқибатлари ва унга қарши курашиш чора-тадбирлари юзасидан семинар бўлиб ўтди.

Видеоселектор тарзида ташкил этилган семинарда вилоят ҳокимининг ўринбосари Жамшид Хатамов, Ўзбекистон Республикаси Коррупцияга қарши курашиш агентлиги вакили Азамат Эргашев, вилоятдаги бошқарма ва ташкилотлар, муассаса ва корхоналар, маҳаллий ҳокимликлар масъул ходимлари ҳамда оммавий ахборот воситалари вакиллари қатнашдилар.

Семинарда сўнгги тўрт йил давомида мамлакатимизда коррупцион ҳолатларнинг олдини олиш мақсадида 70 ортиқ қонун ва қонуности ҳужжатлари эълон қилингани, бироқ тегишли идоралар билан ҳамкорликда назорат тадбирлари ўтказилиб борилаётганига қарамай, коррупция ҳолатлари ҳамон учраб тураётгани танқидий муҳокама қилинди.

Семинар давомида асосий эътибор давлат органлари фаолиятида қонунийликни таъминлаш жараёнидаги асосий вазифалардан бири ҳам айнан коррупция билан боғлиқ ҳолатларнинг олдини олиш, унга йўл қўймаслик ҳамда бундай салбий иллатга қарши самарали кураш олиб боришдан иборат эканлигига қаратилди. Бу йўналишда амалга оширилаётган ишлар таҳлил қилиниб, олдинда турган вазифалар келишиб олинди.

Бизни ижтимоий тармоқларда кузатинг [Facebook](#), [Telegram](#), [Facebook](#), [YouTube](#)

2022-02-09 21:14:00